




FIDIO

25

FIDIO

MARC RAVALOMANANA

25



Ny fanomezan-tokin'ny Filoha Ravalomanana
« AMBOARINA INDRAY NY LALANTSIKA »

Manome toky aho:



Hamerina ny **fandriampahalemana** amin'ny lafiny rehetra (fiarovana ny olona sy ny fananany, ny fananantany, ny fitsarana, ady amin'ny tsy fahampian-tsakafo). Hanavao ny fampitaovana ny mpitandro filaminana (miaramila, polisy, zandary). Hiaro ny fiandrianam-pirenena.



Hamerina ny rafitra **fitsaboana** amin'ny ambaratonga rehetra iantohana ny fahasalaman'ny vahoaka: fitsaboana manaraka ny teknolojia vaovao, fanamboarana sy fampitaovana ny toera-pmtsaboana toy ny tobim-pahasalamana fototra na ny Centres de Santé de Base (CSB) sy hopitaly.



Hamerina ny tetik'asa **fampianarana** ho an'ny rehetra: fitaovam-pianarana kits scolaires, fanofanana ny mpampianatra, fandrinrana ny fampianarana hifanaraka amin'ny filan'ny tsenan'ny asa, fanabeazana ho olom-pirenena vanona, fanatanjahan-tena, famerenana ny hasin'ny mpampianatra.



Hampitombo ny **fidiram-bola** sy ny fahefa-mividin'ny Malagasy: fametrahana tontolo manampy amin'ny famoronan'asa, fampitomboana haingana ny harikarem-pirenena ho an'ny rehetra, fampandrosoana maharitra ny tanan'dehibe sy ny tontolo ambanivohitra, fampiroboroboana ny orin'asa madinika sy salantsalany, fanamorana ny fivarotana ny vokatra sy ny fahazahoana zezika sy masom-boly, fanamorana ny fahazoana famatsiam-bola, fanamorana ny antoka amin'ny fananan-tany, fampiasana hevitra sy teknolojia vaovao, fampihenana ny tsy fitoviana eo amin'ny fiaraha-monina.



Hanangana indray **foto-drafitr'asa** isaky ny faritra mba hampiroboroboana ny fampandrosoana mirindra sy maharitra ary hanamafisana ny firaisam-pirenena: lalana, fitanterana, angovo, fifandraisan-davitra, rano sy fidiovana, trano fonenana sy fotodrafitr'asa antanan-dehibe, toha-drano.



Hiantoka ny **fitsinjarana sy fanampariaham-pahefana** tena izy: fifidianana fa tsy fanendrena ny tompon'andraikitra isan'ambaratongany, fiantohana ny tombotsoa ara-toekarena ho an'ny mponina eo an-toerana, fitsinjarana ara-dririny ny fitantana ara-bola sy ara-pitaovana, fahafahana manapa-kevitra eny ifotony.



Hamerina ny **fitokisan'ny vahoaka** amin'ny mpitondra: fametrahana fanjakana tan-dalana, ady amin'ny kolikoly, fanomezana fahaleovan-tena ny fitsarana, fiaraha-miasa amin'ny gazety sy ny haino aman-jery.



Hiaro sy hanatsara ny **tontolo iainana**: ady amin'ny fitrandrahana tsy ara-dalana ny harem-pirenena voajanahary, fiarovana ny harena voajanahary, fandraisana anjara amin'ny ady amin'ny fioavaovan'ny toetr'andro, ady amin'ny fandotoana ny tontolo iainana.



Hanome lanja ny **soa-toavina sy ambom-po Malagasy** ao anatin'ny fampiasana ny fitaovana manaraka ny fandrosoana sy ny toetr'andro.



Hanatsara ny **fifandraisana** sy ny fiaraha-miasa amin'ny mpiray ombon'antoka iraisam-pirenena sy ny vondrom-pirenena manodidina.